

薛荔山房藏稿

第二卷

五言近體

遊釣臺和楊公亮

為愛幽棲勝捫蘿石磴懸梵鐘迎客起野老對
鷗眠亭飲疑河朔山行訝輞川夕陽莫相妬此
地可忘年

城郭藏幽境紅塵隔翠微泉通石澗吼鳥入嶺
雲飛客到傾荷蓋臺空坐釣磯群鷗如有約何

日拂征衣

送楊公亮乃親合肥尉

金斗高爍淨浮槎
夜月清梅仙來作尉此地舊
知名綬拂黃花去風傳綵棹迎
謾云惟吏隱少府聽琴鳴

和宋淑中遊興德寺

昔遊懷宋玉後會識比丘
話別頻揮塵開尊更傍鷗
荷翻急雨過樹隱密雲浮
夜半談經罷天

空月滿樓

同曾直卿諸丈遊摩訶菴過法藏眺慈壽
閣還飲成趣亭兼示任僧次直卿韻

垆外恣幽尋穿雲古剎深
數聲啼鳥亂夾道野
藤陰法界窺三昧浮生嘆陸沉
鼓琴者誰子妙賞發徽音

為破浮生夢禪林載酒過
雨花明紺殿雲樹覆
祇陀半偈能空幻微醺自飲和
放歌因岍憤便

欲住青蘿

諸天近如許轉逕是僧坊布地黃金滿傳燈白
日光攀躋臨北斗眺望盡南荒咄咄西來意何
須更問航

虛閣一披襟悠然下碧岑雨餘花亂發興到酒
頻斟客路皆知已禪關共證心夕陽車馬散天
際落孤禽

送給諫張睿甫使代即將太夫人南還

鳴珂下青瑣四牡向雲中帶礪藩封固山河使
節雄千秋長作鎮絕塞此臨戎慷慨張平子寧
誇賦簡工

持節還臨代驅車渡入吳潘輿千里御萊彩五
湖娛氣色餘焚草風流正膾鱸到來有封事知
是鄭監圖

送唐宗堯督賦吾省

仙曹推起草國計簡司農
衙命趨三殿含香下

九重使星動牛斗江月汎椽牕未遂圖南願
携五老峯

遙遙望南浦雲物古今同官署催科拙民歌杼
軸空使君行轉餉郡國亦觀風入草明光奏應
知頌大東

同趙明經過蓮花寺還宿顯靈宮再次明

經韻

城頭藏宿靄水樹合輕烟地帶禪棲僻遊兼野

興偏開尊僧避席辭醉客歸眠
暝色催聯騎燈
先市欲然

曾聞天竺勝因過雨花臺雲浸松房
冷風高荷
衲摧禪關心本寂道院首重回清夢
今宵足晨
鐘莫漫催

送鄧定宇使益即奉太夫人南還

先達風流遠趨承媿浚塵敢論投分合
謬荷受
知親舡筏猶迷渡吹噓直待春那堪歌
四牡惆

悵獨傷神

仙籍舊通名玄風薄大清剪桐頌玉葉視草酌
金莖天漢星楂泛卿雲使節明懸知王子晉親
弄紫簫迎

漢節宗盟重潘輿彩服新江花頻自媚山鳥故
相親朱邸臨仙洞皇華揆法身麻姑應設醴先
獻北堂春

草引王孫路山開故國城浦雲收變幻江月湛

空明漫自存
松菊還誰贈
荏蕤知君懸
魏闕回
首一關情

次直卿世用訪費國聘

再過招提境
開尊對夕陽
初驩貪會面
細語轉
縈腸聽雨懷
猿峽占星聚
鴈堂郢歌應
獨唱吾
黨一輝光

萬里來秋色
叢林一問禪
彈冠開紫氣
倚劔薄
青天諸子仍
今夕高歌憶
隔年檢囊詩
卷滿猶

自戀寒氈

送國聘還楚入蜀

纔覺歡娛洽那堪又別離
秋風嘶馬急夕照動笳悲
尊酒還何日停驂更此時
行看湘楚近蘭芷為誰思

迢迢歸楚甸望望入巴川
鴈度三湘杳猿啼兩岫懸
五雲猶在夢片月自相憐
蚤擬長楊賦雄文已薦賢

送閔守之還保康論

共是都門別，惟君獨黯然。
綈袍空自戀，長鉢乞誰憐。
去矣加餐飭，歸歟更穩眠。
慙慙動耐寂，莫早晚兆三鱣。

舡頭夜坐候宿處漫成

急投前館宿，數問夜如何。
樹隱烟光遠，蛙喧鼓吹多。
踈雲開斷浦，輕霧起微波。
忽喜郵籤報，臨風發浩歌。

宿南蔡庄

莫靄澄空淨
蓬窓獨倚斜
江涵疎密樹
犬吠兩三家
村柝頻催漏
漁舟穩傍沙
懸看星漢近
乘興欲浮槎

祇役岷藩田
藩參招飲愛
蓮池次張陽和韻

高峽入南國
雲物古城邊
草木多遺愛
山川紀昔年
尊開薇省月
香動邵池蓮
太史留題處
棠

陰更共傳

邵陵早發

出郭雨初收，橫舟亂渡頭。
村煙開野曙，隄柳變江秋。
山色溟濛杳，雲光淡蕩浮。
轉行被蘿逕，清興動滄洲。

宿盧溪謁周元公祠次嚴相國韻

兩到蓮池上，還來禮古祠。
歷官無顯爵，為政有餘思。
祀典千年重，光風百代遺。
衣冠空自愧，延

佇故行遲

袁守葛定菴同郡理陳傲凡招飲華石巖
沿洄濟林麓迤邐步巘阿亭散山光媚涼侵蘿
月多深杯消永夜急管襍嬌歌地主能窮興扶
歸奈醉何

袁山千古勝征蓋兩經過既醉宜春月還把華
石蘿巘局浮翠靄江練浸明河臨去頻回首松
風滿素阿

雪中似梁仲登郡理

錦水層樓外
踈窗雪裏開
千山渾渺渺
萬井自皚皚
滿岬虛舟在
何人一棹來
支頤期汗漫
回首是春臺

柱笏步前除
寒威積素墟
虬枝盤玉偃
野店隔烟踈
僧定全披衲
詩囊半掛驢
行休吾自遠
漫說此焚魚

歸途夜宿昭山

莫雨投山館苔深四壁寒買薪乞野火換米續
晨餐夜半猶尋僕鷄鳴獨擁闌宦情元自薄行
路古來難

禪那對月有懷劉明府諶孝廉

禪空虛夜月十載此重看老衲還同賞故人誰
共驪停盃闌獨倚搔首漏將殘欲賦蕪葭什其
如零露漙

次荅芾斯大宗正

漫道閒居素侯門也尚玄知君千古意不向世人憐秋色來佳句晴雲散彩箋却慙非郢質白雪祗空傳

縮地憐無術同心會有神自離芳草後唯與白鷗親榆柳驚秋早芙蓉發興新多君遺遠道何日涉江濱

寄張敘甫年丈

敘甫為學士東白公曾孫

名園舊學士招飲羨登仙日夕看花醉春陰聽

鳥遷交驪猶似昨憶別已經年好獻河東賦吹
嗟直上天

寄符汝思

浮槎千里共錦水兩經過濁酒無衣典清談奈
爾何萊蕪魚戲釜廷尉雀張羅久渴思雲霧那
能起病摩

九日同謝皇弼家叔震元汝掄諸姪瑞烟
登高次先大司成夢坡公韵

秋興白雲高青山蟄屐豪坐來神爽逸忘却鬢
刁騷老驥存騰躍群雛長羽毛崢嶸多努力無
但惜綈袍

微雨清襟素乘風步碧巔秋光何淡蕩山色一
澄鮮谷靜歌聲徹林深暮靄連相携多慷慨劍
氣倚中天

世尚金門隱家承玉笋班舊遊重理咏勝蹟此
追攀浮蟻憐黃菊焚魚憶碧山雙筇扶健足醉

著接離還

先九日與叔孔兄約閏九日登高適嫂氏
母家歸不及往戲致且申前約

重九今逢閏佳期適遠回黃花饒舊景綠鬢對
新醅種玉添庭樹懷珠掇蚌胎登高還有待何
日一尊來

久不談詩偶手唐編謾爾捉筆自戲

傲骨真成癡閒心半入禪無容攻禮樂兼已罷

詩篇日晏看花起雲深種樹穿塵緣因不斷伎
倆忽相牽

哭叔震兄

無恠經春雨凋傷玉樹枝脊令原黯淡鴻雁影
差池壯志空憎命斯文竟屬誰悠悠千古恨楚
些不勝悲

二豎偏為崇神棲總不靈逡巡候起色宛轉失
修形匡坐辭倫好吞巖入窈冥千秋吾後死敢

負太原銘

時叔孔元偕諸姪有墓銘之請

交臂坐相失招蒐何處歸
蘭膏銷夜雨璫露怨朝暉
寂莫詢遺事淒涼見素幃
仰天空有問黯黯白雲飛

季子空留劍伯牙已斷琴
一春多罷酒獨坐忽霑襟
念爾諸孤藐憐君飲恨深
九京如可作端不愧知心

七月十三日汝楸諸姪奉慈命為叔震兄

建九幽道筵余時有內子之悼不及往
觀祠事口占八十字令青衣致之靈几

一代獻茗云

榆柳驚秋候梧桐泣雨收
歲書留手澤親劔動
哀思罔極天恩重
資道教塋今宵瞻總幙肅

肅引涼颺

斲輟修文筆來皈大道天
玉霄騰紫炁高座薦
芳筵身世元為幻逍遙已入仙
少翁余未禮蕭

瑟總堪憐

次荅履方王孫

時有繼慈之感

鬲器千秋重才華八斗優故人頻訊問佳句破
幽愁却愧梁園客那堪菟苑遊酬歌哀轉劇衰
謝莫雲流

次荅履中王孫

不道王孫貴遙憐宋玉悲感傷情滿幅揮洒淚
成絲皮骨餘今日心顏損昔時彼蒼空仰歎造

物摠嬰兒

次荅履直王孫

爾爾情何厚新詩手自裁荀龍分 帝胄謝鳳
羨君才交誼高千古貽篇續七哀南州知卧穩
懸榻未應來

咏蟬

獨飲杖頭露長吟谷裏風幽思寄別調清響自
殊工斷續留餘韻飄颺逐遠空此身元委蛻寥

廓太虛中

謝皇弼家叔泉叔磐叔孔諸兄賞蓮席上

賦

山脚拖殘雨雲根吐夕陽蟬聲滿樹沸花氣百
和香白社酣詩興玄亭任酒狂草辭歸路晚衣
露襲餘芳

偶題

誅茅非選勝卜築為耽幽曲徑穿花度踈蘿蔭

水流逍遙園吏夢曠達酒人游方朔今逃隱何
須訪十洲

獨酌自咏

山徑白雲多松風亂綠蘿野禽爭自語居士坐
微醺勲業輸杯酒行藏付小窩明珠看的歷兩
過淨池荷

人語窸不到蟬吟鳥韻多恠來驚午夢那更助
微哦浮白尊長綠耽玄髻欲皤夕陽隱山麓月

浸暎松阿

蓮池石上小酌觀引水灌花

埽石移尊酒臨池納晚涼涓涓疏澗溜冉冉衰
荷香踈蓋紅初吐扶莖綠更長灌園方汲罷歸
鳥噪斜陽

馬上看月

秋風吹馬首迎望月華圓似玉馮虛去翻疑倒
景懸廣寒渾裹翠皓白即遊仙可惜乘鸞客霓

裳却浪傳

聞鳩

鳩性誰云拙，偏能喚雨晴。
田家頻側耳，征旅轉關情。
試向山中卜，空多林外聲。
何如一尊酒，雲物任縱橫。

觀槿

舜華美如玉，不信定朝榮。
自夏徂零露，常時見吐英。
芙蓉相掩映，水竹伴孤清。
轉盼皆陳迹，乾

坤幾晦明

秋夜

獨坐虛空靜
蛩聲頌短檠
簷垂星象動
花瀉露華清
徙倚人千古
蒼涼月四更
已無生髀肉
空有夢難成

十六夜孫伯宗山中翫月

不盡中秋興
山亭更舉杯
微風輕靄散
皓冕紫雲開
清沁詩脾潤
光生象緯迴
薄寒侵客坐
坐松

露下涼臺

夜霖是日春分

坐聽簷聲歇起看雲浪生紅垂花重濕白吐月
微明獨步清宵永驚分春色平憐芳不成寐倚
杖待新晴

夜吟

四野蛙聲鬧中天片月懸流光生几上繁響落
階前萬象涵空窈窕微吟得靜便為嫌春夢擾徙

倚露華圓

同劉象乾遊建山

買山營廢寺損食飯行僧似此真迂拙於吾獨
勝矜泝泉流洞壑課樹躡峻嶒野性終違世道
遙咲鷓鴣

過別傅中丞體元同憲僉王忠甫飲宿福
聖寺述中丞紀夢諸作輒賦并呈中丞
寺古圍籬竹堂虛照寶珠清風集軒蓋落日醉

浮屠貢禹交驩密相如病骨癯中丞多薦達先
到舊臺烏

聯榻古禪堂清談夜未央銀河垂耿耿鐵馬驟
鏘鏘紀夢成詩讖憂時斷酒狂故園秋月在邪
得似錢塘

山房移席

山色動雲根秋聲送遠村座移隨酒埽興適自
孤騫書任行行檢花開處處軒園丁初決溜水

繞菊叢喧

劉象乾叔泉兄小酌即事口占

捲簾先得月移席待看花菊徑香浮動松梢影
亂斜殘杯延夜色歸路散昏鴉抱病耽詩癖留
連興轉賒

雨中賞菊

看花長帶雨載酒共衝泥入徑勞酬接凭闌費
品題色佳增濕重香遠和烟低誰道秋容澹忘

歸醉眼迷

千載陶彭澤吾生復爾鄉歸來種叢菊高卧即
柴桑濁酒長携客寒華自玩芳悠然遺世遠何
必問羲皇

四月朔口號與劉象乾示諸生詰兒

一春今已盡學業試如何花草隨時發敷榮結
實多虛因搖善果習浪逝頽波莫道俱年少看
看鬢易皤

荆日三建蘭若遠叔澄兄至

首紀朱明朔頻叅清淨禪
數聲鳴法鼓一刹息
塵緣追憶曾遊處俄驚越廿年
知君勤禮念定
自吐紅蓮

山園瓜熟分送賓陽叔

誅茅初學圃手種邵平瓜
抱甕經三伏連阡媿
五花蟠根咏繇爬剖玉雪流霞
七月田家味聊
堪數暑賒

秋夜禁酒

避暑全逃酒涼生酒病侵虛壘空自耻素几浪
閒吟風度蛩聲急星橫樹影沈檢方仍復罷烹
茗強頻酌

除日山房雨中

幽棲忘晏景除日尚徘徊雨送年光盡雲移春
色回愛梅芟冗樹分竹占藁臺物候明朝換清
尊隔歲開

課僧禮佛

覺地初因轉熏修淨業增課僧動頂禮說法究
宗乘潮湧空門梵花然寶座燈頭陀堪結夏何
異佛圖澄

叔泉兄袖携碁局精甚惜畏雨促歸不克
終興戲題

逃禪來洞口樂事喜偏多袖裏壺仙隱囊中戟
卒羅憑誰畫紙局不肯爛樵柯歸興翩翩動其

如莫雨何

廿六日同象乾遊桑林訪祖峰上人有萬
思嘿鄧定宇二公道舍因留題

步入招提境山僧自款門到來通禮訊生久決
清論懸榻維摩室傳燈祇樹園催歸緣鼓檝不
為鳥聲喧

次荅蒂斯錄別

稅駕非無地江門獨艤舟詩盟重對酒容思澹

忘遊隔浦浮烟嶼層城抱雨樓別來冬夜永有
夢到洪州

再宿樵舍

停橈曾宿處正喜順帆歸湖雁連樓鳥江雲合
莫霏故園先入夢中袂欲披衣殘菊如堪醉携
回紫蟹肥

曉發

鷄唱寒江曙風回宿渚雲扁舟衝雨色百丈引

波文客思詩中散灘聲枕上聞榜歌驚兩岸沙
鳥亂呼羣

舟行

宿雨孤篷重輪風去舸遲遡洄沿仄岼留滯歎
行期穿眼雲迷樹搔頭日見絲離家纔一月荒
徑動相思

宿羅家渡早行

望望山常近行行岼轉遙盤渦隨水鳥拂纜落

霜條問地先投宿聞雞已戒梳錦城堪貰酒須
遣醉今宵

微雪叔泉兄携詩見過次答

凍雨半欲雪寒林不散烟沈沈啓初曙寂寂若
為年滿目嗟生事消懷託浪仙客來姑酌酒詩
思一凄然

用韵喜霽

重陰開宿霧新霽歛寒烟瓦雀爭喧山僧約

度年虛尊行醖秫絕粒不須仙蟋蟀還堪賦相
期對蹶然

晚同象乾諸兄姪歸自碧雲口占

仙壇辭夕照徑軟步芳遲嵐潤山含翠烟深樹
合帷春風動歸詠吾黨自委蛇莫道輕離別相
携復幾時

三月十六日夜棹鄱湖宿瑞虹

倚棹平湖望雲帆掛夕陽波光浮月湧蛙吹引

更長獨坐難成寐
紆思深舉觴班生廬
自在魚鳥莫相忘

汎湖喜晤姜子文

辭家初理楫
汎汎涉春濤
湖漲連雲澗
風柔引颿高
綠隄繁草暢
翠靄霽林皋
今夜逢知己
清尊看佩刀

霞山別韓憲幕有感

江行三十里
故舊尚嘶杯
攬袂蒼顏改
離舟白

日催家園忽悵望雲樹重裴裒欲擬閒居賦臨
風又罷裁

查仁卿客部邀飲湖中同伯子伯光孝廉
遊清靜歷石屋高麗諸名刹復放舟夜
還

肩輿仍理楫水送渡山行欲盡湖南景應忘薊
壯征春光留棣萼喬木聽鶯鳴秉燭還須月虛
明薄太清

同查伯光仁卿吳以能遊龍井

曲徑度柴門僧房開石軒坐看雲繞榻對語鳥
窺園泉吼魚龍戲山深虎豹蹲幽懷寄何處臨
去獨忘言

又遊法相飲聽玉亭觀錫泉古鉢

雲留松夾道風引竹盈軒石磴疑秦觀烟竿訝
衛園泉飛傳錫卓鉢古儼鴟蹲歸路隨僧杖花
枝咲不言

同馮開之訪曉山上人飲琅玕精舍得舡

字

為愛王猷竹來參白社蓮遠公能致酒陶令且
逃禪振錫清風外啣杯落日鐘聲遙送客明
月滿歸舡

別開之

同是勸遊人相逢意轉親滄洲吾道遠白首世
交新且莫嗟留滯還誰訪隱淪虛舟任來往獨

占五湖春

同開之周申甫飲頌太學憲山園亭

選勝開幽徑亭蕪水竹清松蘿懸夕照山鳥襍
歌聲箕踞全成傲踈狂總避名浮生頻得醉客
路更關情

黃河風雨

五月狂飈厲雲屯雨氣昏懸河天倒接拍浪岬
全吞野店人無語孤航獨放尊中流誰砥柱乘

酌訪龍門

風雨駐直河

古驛墟烟淡遙隄樹色微
早無舟下上時見燕
翻飛嘿坐閒開幔觀濤欲振衣
乾坤俱汎梗身世總忘機

月夜河隄少憇

樊家店

平原開野市明月照安流
曠適牽初性棲遲愧
謾遊暫依隄草暢坐睹水雲浮
牛斗迢迢望春

風憶故樓

將抵濟寧聞酒膠舟野宿

孤燈照不寐
夜雨宿荒村
警柝回風疾
催吏亂
拆喧曙光遲
尚閣水氣曉
來昏一脉
朝宗路徘徊未敢言

訪靜修上人因約蕭以忠同宿追憶癸未
曾同馮開之宿此

長夏耽幽寂
招提訪舊僧
榻逢今日下
人似昔

年曾月色涵虛籟鐘聲轉玉繩重來猶是夢說
法更何憑

月夜獨酌

月色尊中滿花陰牕外橫坐忘人境隔涼沁葛
衣輕鵲噪槐風動蛩吟草露清今宵應有夢迢
遞故園情

喜雨

久不聞鳴雨簷湍忽有聲中庭頻徙倚病骨亦

崢嶸九陌塵歌斷三農氣色生甘霖霈霈足雲
漢慰承明

對雨

對雨坐虛室踈櫺徹喧闐書籤展新潤香縷駐
微烟屋漏呼僮補風迴引雷旋嗒焉渾隱几吾
我總茫然

急雨瀉終朝淋漓自昨宵雲屯連苑樹波濶漾
隄橋中谷舒長歎秋臯望有苗鵲聲頻晚噪客

子理征輶

程孟孺枉酌小坐即席賦二章

雨餘仍秉燭興到且啣盃
一夕千秋話疎簾爽
氣來金臺空寂莫燕市
共徘徊斗酒頻相遇休
教折簡催

瓜酒逢今夕烟雲駐半軒
蛩吟還倚聽星淡不堪
捫傾蓋憐遲莫披襟任吐
吞滄洲吾道遠何必問
金門

張質卿遺同館諸丈二詩皆為屬和不揣
強步雖里巷之音非宜賡於廊廟之雅
亦各言其志爾

聚首翻憐別追驩獨覺衰匡牀饒蚨蝶稚子剝
瓜梨補袞諸公在彈冠非我期昔年携手處重
憶釣臺詩癸未與質卿別巖陵

去國忽于茲長安幾局碁雲深宮樹隱風駛塞
烟馳握斝元無肉搔頭早見絲所親惟故舊尊

酒強追隨

雨中再用質卿韻東曾余二丈

炎蒸偏帶雨旅館鬱愁思鍊骨金丹秘支羸藥
裹隨壺觴聊自遣弓影轉生疑淦淦垂雲合淒
涼莫問詩

不如人壯也謾道及衰時
瓠落真无用樗全竊
愧茲百千萬慮轉四十九非知
獨有窮塗恨臨期泣素絲

夜集余世用齋中次質卿韻

嬾慢淹多病長持繡佛齋招携逢舊好離合激
中懷深院傳分漏踈星散九街行驄自京兆方
朔故詼諧

次世用有感之作

時西夏兵變

徵兵無暇日散卒託防秋若等同兒戲誰人共
主憂臨衝空突地堅壘自危樓莫灑西風淚黃
河欲斷流

羽檄馳關塞韜鈴滿禁中孫吳今在事庶藺豈
無功破賊驅亡命安邊務倭戎甘泉問烽火不
是漢時宮

用韞相期卜隣不果

千金謾卜隣唯有素心親搯擊驚秋思長歌落
市塵頓忘才巧拙不厭跡逡巡更許頗相過清
齋傍紫宸

杜門寂寞莫枉邀曾余二丈一噓詩以代簡

鴈欲衡陽度雲連瀛海秋浮沉同作客黯淡若
為愁誰道千門喜何時五嶽遊不如酤美酒酌
酌倚南樓

是日邀曾余二丈小集不及用韞即韻達
意

把酒成三笑題詩憶四愁獨醒君自得沉醉我
何求世事唯高枕初心付野鷗鷗鵬看變化不
為稻粱謀

僧無言住持少林索贈

豫章人

已到無言處云何有法傳九年空面壁千載浪
安禪混沌長如此機權總窈然豫章多寶氣一
道燭中天

曾直卿和貞卿作有明月過齋頭之句再

答

綠樹西隣借清尊北海傾澹忘浮真駕高響落
蟬聲計拙唯謀醉狂多更獵纓秋齋新月滿五

斗解餘醒

七夕陸敬承集飲次日馮川鞞緝會詩敬承將有留院之命曾直卿亦題情別

賦二章

金風涼緒起銀漢界空浮天上填烏鵲人間憶
女牛豈期歡合會已動別離愁一水盈盈隔重
來又早秋

正爾歡娛地胡為別思牽秋高南極現天近北

辰懸抗疏虛前席談經擬太玄瀛洲多樂事劇
戲總棲禪

寧夏平喜而有感

太白高秋淨西寧殺氣平倒戈爭授首傳檄定
圍城按堵軍麾入壺漿父老迎千門喧送喜飛
騎凱歌聲

幕府旌旂壯營門鎧甲鮮帟符雲外擁鵲印肘
邊懸野哭聞橫塞軍輸不計錢和戎猶未已且

莫勒燕然

露布論功日孤蒐尚未還將軍勤遠略家令值
時艱一掃豺狼窟寧辭虎豹關胡雛不可近遺
恨失崇姦

除夕病中擁爐對小梅用少陵守歲韻

閒曹宦作家藝術護寒花歲晚生憎病林昏聽
集鴉漏催星火亂斗逐曙河斜衰髻驚春色幽
懷寄海涯

題曾舜徵一樂無疆卷為石峰翁雙壽

嶽色開南極春風動帝都
潘輿乘傳擁萊彩望庭趨
楚國靈椿頌湘君壽母圖
勿云矜一樂聞道更先吾

西郊道院同諸丈餞別吳宗舜備兵蜀中
十載長安道下尋劔閣行朋尊幾人在使節兩
川迎諭蜀新傳檄通秦故訓兵浮槎天漢近何
必問君平

仙觀重遊日春郊亂莫雲席移亭幔合日斷雁
行分鳥道摩空起猿聲嘯月聞何年還聚首且
莫惜微醺

同直卿世用邀董子亨吳宗舜再遊

載酒驚春莫丹丘此再過誰云燕吏隱空負采
芝歌入座花香細凭闌鳥語多故園眇何許寂
寞齋青蘿

不盡尋幽與移尊就水亭輕歌散林幕返照澹

郊垌遊騎喧闐過春愁
酩酊醒籃輿歸假寐亭
已到芳汀

夜坐

澄空歛暮色歸鳥度低聲
短髮風前掠閒身病
淡輕星河懸戶牖鐘漏出宮城
樹杪浮光動紛紛涼月生

午日

荆扉懸薜荔籬槿夾花叢
障隱芭蕉雨亭搖菡

舊風鳥傳空谷外
樵唱一丘中
汎汎青蒲滿人
今逐轉蓬

南還謾賦

拙宦憐蒼鬢
閒心負白雲
一身輕去國
萬里遠離群
懸榻山僧下
班荆野老分
歸來休擬賦
已自愧移文

促裝

輕風度簾幙
涼月照匡牀
病渴思沾雨
心慵獨

罷觴無才酬 聖主有夢滯他鄉為語籬邊菊
相期醉晚芳

兩

清晨鳴急雨終夜不曾休野屋驚喧避通衢接
亂流蒼茫失雲樹渺瀰憶滄洲天意憐歸客扁
舟一葉秋

見螢

寂寞空齋坐依迴螢火光風花虛點綴露草暎

君方七月素希
卷二
一
微茫戲逐憐群稚高飛傍女牆懷歸今二載熠
燿畏宵行

七夕直卿世用用韞邀飲為別追談往事

懷其有感賦二章

朋尊將遠道七夕正佳期天上傳歡會人間轉
別離秋風清几席暮色淡鬚眉寒落追前事淒
涼檢舊詩

不是輕離別遊人悲早秋半輪涼月週雙闕亂

雲浮乞巧爭矜寵言歸尚滯留相逢且取醉著
處汎虛舟

程孟孺出送潞河舟中寫梅為別

獨酌扁舟晚有輿舊好來娉娉理巾髮歡笑拂
塵埃野水秋光淨疎簾夜色開明星催擊柝且
莫厭行杯

黯淡都門別徘徊路水濱一尊盡今夕千里在
明晨世路那堪問交情轉覺親雲深山逕杳獨

對龍頭春

曾直卿余世用馮用韞聯舟載酒餞送通
惠河河干有瀛洲亭登亭數酌舟行抵
閘而止賦此志別

歲歲離亭上何如此別難舟沿疎柳緩酒向合
隄闌佇立無多語含愁強放歡長安須日醉秋
月幾人看

已出東門道瀛洲道此亭持盃霄漢迥駐艇水

雲冥去住憐今昔飄零任醉醒歸山頭半白雙
眼為誰青

次荅余世用

放舸且停橈斯須望灞橋衰顏非昔日生別在
今朝哽咽蟬聲急牢慳酒態銷片帆猶戀戀一
水去程遙

杯酒纔同席回舟不並過斜陽千里道迤照一
亭波搖落驚秋早嗟蛇恨歲多乘風汎瀛海明

月宗君何

次荅馮用韞

不辭驅遠道，猶得泛方舟。
目卓幔亭午，風疎荻浦秋。
名憎兼吏隱，詩憶侶仙遊。
天漢盈盈水，河梁欲絕流。

亭樹連雲合，隄橋斷柳行。
臨岐矜慷慨，回首憶
淋琅行道衝，餘潦征衣澹。
夕陽星河懸耿耿，秋
夜已無央。

舟次泊鎮劉令文光柱駕連飲二宵賦別

見情

艤棹秋江上張筵待月華輕烟歛古市新漲落
平沙幔卷金波湧軒回銀漢斜興來歡未極明
夜更浮槎

昨夜鷄三唱啣盃興未闌綢繆今夕盡懷抱一
時寬幾度同明月何年續舊驩相思應有夢莫
惜行路難

顧小侯所建過訪舟次出示諸作賦贈

湛露流華月寒濤壯莫潮綺疏搖彩筆高韻振
清標愛容追飛蓋能文倚珥貂搏風乘健翮逸
思薄雲霄

題張明用冊

趨庭彭澤柳彈鋏五陵春蕙業餘經笥長歌狎
酒人名山多品藻故里謝風塵懶慢交遊絕相
逢不問津

題雲間沈孺休用

迴渚停征棹寒江澹暮雲故人初對酒落日更
逢君徧下南洲榻誰鑄有道文冥鴻霄漢外何
惜羽毛旣

春寒

蹶木號風厲柔條凍雨低敝貂深擁帽短履怯
衝泥寒雀窺人立饑鳥飼子啼攢眉望墟里抱
膝獨羈棲

狂飈中夜起竟日更喧墮吹雪急還散曳雲凍
不聞鵲爭護巢噪竹亂撲扉來慎勿摧花蕾
閒居待舉杯

鄔瞻齊孝廉過訪

高軒逢再過重自欵柴門今雨開塵榻新晴放
酒尊穿花苔徑軟連袂谷風溫早就長楊賦無
勞問灌園

送醫黃恒所入楚

十年淹卧病此日賦歸來酒債從人索方書對
客開敲碁眉宇動訊竹幔波回楚棹行看發狂
歌任醉裁

同劉象乾陳養初來薰軒夜坐

佳氣日夕澹薰風扇微涼蛙聲填四野螢火點
回廊列坐翫星斗臨池涵蒼茫北窓足高枕何
必夢羲皇

喜憫庵老僧至

藤杖衝泥穩芒鞋著步遲為言尋舊約端恐負
前期藏鉢留雲卧繙經任鳥窺山中應結夏枕
藉共餐葵

贈張子虔

慶源垂祖德光大及于茲千仞始振步平生定
前期蘭芳佩新沐雅奏賞希知溫飽詎所願勗
哉圖令儀

寒雨

寒黯空齋色霏微莫雨侵風林驚鵲亂雲樹著
烟沉蕭索覩盃酒踈狂恣浪吟老梅幽谷裏擁
絮好相尋

雨絲莫颺急雲幕凍低垂野暗村烟斷山蹠歸
鳥遲不嫌灰欲燼有待雲催詩正爾堪搖落啣
盃且醲醑

重陰

雪過仍兼雨玄陰不放晴連旬迷日月四望掩

柴扉樓幔低雲度簷聲亂籟鳴陽春應可待聊
慰野人情

乙未元日

風微烟霧逢野鵲噪南枝曙色山相引春光物
自私拙多隨日長嬾習與衰宜次第循花徑沈
酣莫負期

行雲遮歛薄霽景待將舒物候初驚換春風轉
入徐潤回平野濶寒破老梅踈倚眺憐今昨乾

坤一草廬

十六夜月

莫景雲開霽年光月共新
南樓初縱目中夜自
生春沆瀣流空界
氤氳合八垠
超然窺太始
河漢
渺無津

春寒

凍雨兼凝雪沈雲黯不開
梅疎增點綴竹壓費
栽培未戰寒威退
空淹春事四芳菲
莫謾惜花

信暗相催

二月朔雨雪嚴寒

雷電應時作雨雪仍交侵凍野疑堅白冰條駐
空林泰陽已徂運嚴寒滯積陰一暴懷暄負乘
春竚望深

小池

小池集新漲演漾曳寒漪傍砌搖花檻當軒寫
竹枝根深蓮未出春暗月來遲獨步憐衰鬢塵

纓莫自羈

夜霽

春色初開霽風柔暖尚微泛波雲影淡籠月樹
陰稀沙潤芒鞋印山喧宿鳥歸樓空懸夜象竚
立自忘機

花朝

是日社

花節今朝是羣芳肯後期寒枝踈刺馥春蕾細
含姿半霽烟光淡初嬌鳥弄遲總來留戀意景

物故相持

社日占宜雨花晨喜放晴
溟濛曙色暗澹蕩午
陰輕撫景春今半臨池酒共傾
洛中誰結伴歲
歲和鳴鷺

黃恒所再至值諸友載酒同集用舊韻

春光戀小築細雨喜重來
名酒有客載好花無
數開蒼顏 酌酹軟徑步紆
回野服堪乘興青
懸薜荔裁

落花

竟日狂飈厲紛紛奈落花委波紅不定埽徑綠
偎斜狼藉春光妬飄零酒興賒數峰開戶牖雙
鬢閱年華

吳南洲學博祠鄉賢乃子求賦

學博以恢復學宮得祠時王先生首事
已列名宦為學博求祠鄉賢反累見黜
今學博允祠而王先生尚未復可慨

天未斯文喪人今異代求宮牆增數仞俎豆肅
千秋志豈青氈屈光猶碧落浮却因憐首事遺
蹟待誰收

旅泊

四月九日地名桃花舖

迢照山浮霽中流月半規平江吞岸湧歸鳥曳
雲遲野唱前村動漁舟隔浦移桃花名此地不
是避秦時

望廬嶽

鼓泄弄潺湲，匡君一水間。
翠浮滄嶼合，晴捲白雲閒。
吳楚橫烟帶，江湖珮月環。
采芝憐病骨，寄眺頓開顏。

湖中曉發

湖光開曙蚤，舟子趁郵程。
遠水涵烟濶，前山舞棹迎。
東風衝颿側，初日蕩沙明。
剩有滄浪興，汀鷗炯自行。

湖中對月

一片晴湖月烟籠萬頃金
疎星流縹緲拳石逐
浮沈頽影山相照揮杯酒
自斟微風行激灑短
葛快披襟

將赴留雍抵匡麓病告強步鹿洞郡博高
見龍掌洞延九臯偕遊

理楫事中流維舟續勝遊
雲山空復戀泉石若
為留病骨仍題疏閒身
早乞休歸與吾黨在風
咏寄滄洲

躡磴入雲穿依稀古洞先石懸蹲虎豹澗繞察
魚鳶松韻千巘雨亭藏萬壑烟相携陟高美五
老對便娟

夜行

湖濶迎風駛雲踈帶雨收一片西帆去千山暮
色浮水禽鳴草宿渚月湧波流舟子憐歸興貪
程夜未休

進艇

潦積浮沙溜灘喧激瀨催嶺霞紅掛帆隄柳綠
侵杯南浦還迷望中流却遡洄病緣詩興減月
湧浪花來

章門望月

散髮坐江濱清輝月滿輪悠悠駐潭影皎皎度
城闐風澹踈鐘亮沙虛湛景新低徊望河漢空
界杳無津

孔陽同履方兄弟枉携舟中

宦况全淹病交情久倦遊西園枉飛蓋南浦
暫停舟簾捲薰風細洲迎草樹浮龍沙如對月
應憶仲宣樓

池上

耦影坐臨池回風曳綠漪荷翻魚鱗刺菊擁岸
麗披樹杪蟬聲墜籬根螢照窺浮雲逐波駛流
盼一丈頤

觀魚

池水明於鑑游魚可數頭縱觀真得所投餌不
垂鉤群引金波戲潛依荷蓋浮影回高馬度臨
望自悠悠

裴子玉枉顧携其先太父北牕先生集見
示

相過何太晚相期在早春知君遲莫意憐我歲
寒人世業猶堪問家聲莫厭貧里歌慙白雪吟
眺獨沈淪

對雪 六日

歲歲看春雪春光澹素華寒暉開曙景物色動
山家曳履吟偏壯探梅興故賒剡溪誰可訪銀
漢欲浮槎

惟未牕曙早瓦雀獨聾稀片片低搏雪深深亂
入幃頻添香燼暖細覺水光肥剝啄驚鴛棲鳥傳
聞客款扉

春晴理薜荔園

春日放晴好風柔野潤喧幽棲尋舊業緩步到
山園劔竹扶花穩分畦種菊蕃鳥聲亭外度泉
響落籬根

幽事乘春早平明恣野行嵐開山面吐塔輭馬
啼輕宿莽初除翳新枝總向榮園林歸興杳帶
月到前楹

薜荔園竹間桃盛開

乘興尋芳去園亭一望新不知桃應節祇恠竹

藏春攀折兒童闌携婦咲語頻
溪深還愛惜莫逐武陵津

玉蘭

瑤花那得似紅紫闌芳難已
瑩真如玉香深合耦蘭冰肌
雲外度露掌月中看獨占春
光早含苞歷歲寒

飲叔華弟涵虛樓

返照搖虛幌輕烟澹遠天
倉庚啼柳外綠樹滿

尊前咲語山光潤徘徊夜色妍醉疑乘畫舫直
到斗牛邊

送劔雲岳侯擢廷平歸朝

漢殿初增秩周官舊比詳白雲連倚署蒼柏儼
分行位望真清切聲名又激昂于公門自大駟
馬有輝光

望望羨登仙山中乏餽錢春風兩袖去夜月一
堂懸政以甘棠味名將畏壘傳無勞動結鞶廷

尉早推賢

咏細雨效齊梁體

如絲吹不斷似縠暗成紋
神女縈行態鮫人灑
淚紛綰花垂密露繞樹抱稠雲
莫向陽臺去雄
風掃宿氛

午日對菊

山冢饒景物秋菊對蒲觴
豈為顏齡制先芝續
命長葵階同向日蘭
腕待凌霜若到羲皇侶南

薰別有香

重五非重九山花只恁開無心依節序早伴賦
歸來試以寒芳重寧因畏日催亭亭耀池館佳
色自徘徊

觀荷

獨坐池亭晚芙蓉淨浣芳綠珠擎露蓋紫氣襲
霓裳曲徑通渠細幽居駐景長餘暉涵倒影澹
月寫流光

張惟寅運使枉過賦此勸駕

高軒廻陋巷秋色動闌干豈為尊鱸興來親首
肴盤小山賦招隱中夜罄交歡丘壑平生癖君
行莫厭官

苦熱得雨

灼暑凌秋杪南薰氣倍暄三農頻悵望中夜苦
歎煩忽聞雷霆怒飄來風雨昏銜盃正對客薄
潤浣前村

喜雨

忽聞鳴雨過風竹亂晨鴉樓外雲垂葉庭前菊
有花雷聲喧別浦秋色到山家抱甕方休眠鋤
園興轉賒

家園貧更懶收粟雨中來泉石深巖吼芙蓉一
夜開恍疑雲谷住又到錦官回為報山靈道重
陽日已催

聞雁

秋風吹雁急，寫影入雲橫。不為嚴寒迫，未忘湖海情。上林書到否，空谷此傳聲。春動江南早，雖雖向鳳城。

丙申九日同謝皇弼劉象乾諸丈泊叔華叔虛叔佐弟寺中諸子登三建山

戀戀雲山會，迢迢此共登。芒鞋穿是徑，尊酒上孤棱。靈籟生秋壑，踈鐘聽晚僧。揮戈興不盡，新月掛蘿藤。

雲幔駐輕陰，爍聲動遠林。呼盧千壑應，回眺萬山臨。佳節憐朋好，高懷激壯吟。寒塘飛鳥度，苔和似知音。

一歲一登高，今秋興倍豪。從遊皆俊秀，譚笑盡風騷。丘壑元吾道，雲霄屬爾曹。明年看此會，誰佩呂虔刀。

彭澤歸來早，東山引興長。石墩堪坐醉，籬菊可浮觴。紅葉催秋色，清歌送夕陽。夜遊還秉燭，莫

咲老夫狂

雨中晚眺

客隨重九去秋亦厭山家寂莫連朝雨稀踈淡
逕花薄寒衝酒破短劍拂霜華醉眼迷雲白丹
楓錯認霞

喜晴

鳥聲喧枕上曙色動山城一月不見日今朝喜
放晴拂霜搔髻短撥霧覺身輕陰曠須消盡陽

泛黍谷生

寒旭開烟早
虛牕得日初
簷光浮澹蕩
竹影弄蕭疎
步徑殘芳動
循除四望舒
喜逢長至近
曝背且攤書

雪晴

寒牕驚曙早
問雪擬啣盃
為報晴光動
先浮水氣來
攬衣輕散臬
埽徑掠殘苔
看日回頭過
簷花斷續開

雪後自飲

寒日遲消雪垂雲重曳空簷聲低送酒野色澹
回風陰砌仍留白衰顏暫駐紅陽春猶有待歌
郢與誰同

落葉

坐聽山濤杜飄飄落葉愁旋空真縹緲逐浪任
沉浮萌檠陽春動根荻歲莫收不知枯朽極猶
自戀枝頭

雨中即事

四郊飛霖霖課樹步亭臯
藜杖雙扶履松蘿暗
濕袍陽春催鳥語烟景亂
雲濤紆徑歸忘倦東
風汎濁醪

晨起忙春事呼僮問竹松
青山須自種綠徑不
嫌重膏雨移根潤油雲
接葉濃扶踈看繞屋葱
蒨對前峰

元夕雨中獨坐

今夕為何夕賞心空自違
彤雲燈裏燦紅雨火
中霏春到憐桃李山深戀
蕨薇爐存灰燼冷止
酒怯寒威

野喧人未散風急雨聲催
浙瀝牕前竹蕭疎洞
裏梅浮雲紛飄驟中夜却
裊裊為訊陽春信何
時許放盃

春晴

滿盈雷雨動解澤一時新
霽色開朝旭烟光澹

早春園林初變候禽鳥自娛人不盡環中興翩
翩步水濱

春宵

新月逐雲移踈星澹欲垂春宵初入暖社酒對
盈卮麥秀真堪頌鶯鳴尚較遲幽懷誰共語早
晚問花枝

吉甫入金陵過別口占送行

相見已憐遲那堪又別離孤雲依遠岫遷鳥擇

喬枝天迥平湖霽帆開兩岸馳徠無限意世
路總多岐

盆魚

倚檻畜盆魚闕觀倦展書周流真不礙潛泳自
相噓紫筍穿花動金波湧日徐漆園千載興濠
濮在吾廬

耒薰軒種葵數種繁花照座

莢葵羅滿徑画戟照虛堂闕色非貪寵傾心摠

向陽幾經風雨暗一任蝶蜂忙相對荷池上亭
亭淨晚芳

晨梳

高春催理髮幽玩坐忘疲晞露芝蘭秀含暉
菡萏披蘋開魚自戲竹動鳥相窺不解南薰愠
牀頭書亂吹

雲卧

幽壑樹參天平蕪水接烟村春人語外歸鳥夕

陽邊散髮迎風竹披
襲露蓮星河低統戶雲
卧直冷然

喜雨

甘霖徧霑足四野動
聲庭草生書潤溪流入
座清露浮松蓋重雲
龍不葛衣輕私秣登
場近虛慙止酒名

獨坐

獨坐觀星斗縱橫萬
象不明玉鈎懸月穩
銀漢决

雲清靈籟空山語幽人永夜情披襟當沆瀣
蟋蟀秋聲

秋懷

含雨雲多態藏烟樹轉幽蛸蟾延絕島鷗鷺狎
芳洲此夜關山月誰家碁杵秋冥鴻一何杳猶
帶塞茄愁

霹靂初傳雨冥濛忽放霓層冰虛倚望道暘轉
增迷滄海思航葦雲山獨杖藜郊扉看燕子又

借一年栖

未到清霜候先看白髮新
菊踈花自早地遠俗
相親汾水浮秋色
商山憶故人
漢庭無一事
莫負紫芝春

搖落憐真嬾蕭森獨自猜
金聲萬井動寶氣九
霄開鷹隼乘風疾
鷗鵬運海回
秋高天更遠何
處望蓬萊

中秋

年年今夜月欣賞幾人同老態猶堪醉清光正
滿空露華浮綠醕霏雷入鴻蒙餘興敲碁局燈
花亂落紅

雪爪浮太白乘醉問姮娥桂子香初發長生藥
幾何千秋如可鑒此夜共清歌試罷霓裳舞昇
平樂事多

夜

夜氣湛虛明腫臃月四更樓垂星象動松韻谷

聳清栩栩浮生夢泠泠閱世情
倏然逢羽服疇昔此飛鳴

王檢府陞典客索題

無錫人

惠山泉第之窈窕蔭林丘幕府憐傾蓋
松濤憶遡舟簡書催去鷁典謁聽鳴騶
家世青箱業朝儀慎講求

雨中自酌

雨色破冬晴輕寒入曉生
烟含霜葉紫池浸露

花清散帙頻傾酒舒眸獨倚楹雁聲何處起雲
白繞山城

樓慢雲初度簷聲雨不休
餞秋憐岍菊報午喚
林鳩白眼雙蓬鬢玄亭一削緱醉鄉如可作吾
亦欲封侯

月夜

寒夜月行遲空階影自隨
浮光烟澹蕩散彩水
連漪鴻雁催霜度關山向
遂吹回頭看北斗直

隱樹參差

雨中

雲低山色闇，曙淺雨中寒。
寂歷耽玄癖，蕭疎逼歲闌。
甘黃垂欲墜，拍翠濕堪餐。
忽報隣鷄午，村烟繞樹端。

戊戌三日雪是日家喧爆竹俗踴送窮

急雪舞回風，蒼茫散遠空。
經春花片片，入夜月
腫腫書幌虛生白，寒爐細撥紅。
家家喧爆竹，獨

咲退之窮

夜酌

春夜自開尊燈垂花燼繁刁騷繡短帙唵咏當
清言私卜明朝霽還過北墅園催添新種樹列
植蔭衡門

開歲

開歲無人到山行日杖藜壺觴長挂樹僮僕共
分畦凍雀窺魚下慈烏護子啼天邊聞候雁祇

恐海雲迷

春寒

雪雲虛點綴又見兩霏微春早淹寒色山空怯
敝衣帶花何日放霑草乍時肥莫為陽和恨東
風已款扉

夜坐

篝燈春夜永尊酒晚寒輕竹牖風初定梅梢月
半明耽書忘老至用拙信生平言笑端居寡嚶

鳴待曉晴

新月

新年見新月
月色媚年光
星澹瑤空淨
烟輕翠黛長
綢緼浮灝氣
晃朗澈虛堂
萬象欣欣動
池臺併向陽

人日

此日人同得
郊園我獨春
隴畦分隊列
花木一時新
開徑山排闥
環牆松結隣
野塘芳草綠
鳴

鷺狎綸巾

十四日雪是日叔孔兄叔華弟携酒小軒
即訂元夕之約

明朝春十五幾度雪花飛擁徑翻嫌屐巡簷故
點衣携尊先有約衰髻已生輝燈月催寒霽重
來款竹扉

山齋傳載酒早已失寒威坐聽樓融雪尤猜竹
壓扉霸橋渾漫興剡棹莫虛歸醉後撥梅信春

光動翠微

驚蟄寒

狂飈號四野寒色重山城
問訊新移竹扶持舊
架棚藤蘿亂紛藉松栢
費支撐起蟄何須凍春
回蟄自驚

花晨薄霽

風雨半春殘蕭條日倚闌
徑苔芒履滑砌草幔
亭寒無計催花發憑誰對
酒歡忽聞山鵲噪喜

色破雲端

立夏日雨

田家頻卜歲立夏雨生愁雲岫迷邨樹風濤落
麥疇一春少見日日月可披裘布穀無聲轉徒
令沮溺憂

夜雨

終夜雨如傾脩然對短檠看詩憐夜思隱几亂
簷聲風送溪喧急山傳谷吼轟不眠窺曙色躋

黯聽鳴鳴

即事

北風吹雨急入夏續春寒
牛喘還誰問苗生半
已殘柴門鎖苔徑蝸角上
花闌欲杖藜何往蕭
條一鷗冠

佛誕日阻雨詩代讚頌

蘭若故山前蘭湯啓法筵
欲從僧頂禮其奈雨
連綿慧日元無礙諸天護
有年露膏搏黑黍普

結衆生緣

謝吉甫過來薰值藥闌盛開時將有海陽
之遊

藥闌誰共賞言有素心人緩步沾香細清歌送
酒頻莫嫌生事薄須惜故園春陶令山中菊相
期對漉巾

初霽

微風收雨脚殘照破雲根綠淨空烟洗青深草

東坡先生詩集卷二
露繁園林初變夏星象欲垂軒誰為田鼃式村
村鼓吹喧

為園

為園披曉霧冒雨荷鋤歸松下沾踈鬢風前曳
短衣度橋防履滑策杖撥雲飛午餉初炊熟辛
劬正解饑

陳茂材携具飲柏林

蒼翠荷嶺屹紆回野望寬烟蘿疏戶牖風竹韻

琅玕載酒無奇字，傾談盡舊歡。
滄浪寄酣咏，纖月寫流湍。

飲柏林感舊因示諸泛

趨庭曾此地，回首重堪憐。
把臂成今古，傳經愧後先。
水光涵翠柏，山色吐青蓮。
莫論魁三象，驍騰早著鞭。

宿叔華書房

握手傾談咲鼓碁，更倒尊薰風開舊榻。
落月過

曾軒竹牖涼生枕松濤亂到門清宵不成寐無
那鳥聲喧

月夜

纖月穿林白踈風度竹清時聞山鳥亂坐見水
雲生露裛蘭香細樓懸斗柄橫秋期看又近銀
漢獨分明

夜歎四首

縹緲星光碎零瀼露氣深豫冥思往事震虢動

初心杳發危機迅甘投識浪沉知非今已晚短
髮日交侵

萬象歸岑寂中宵獨省思此生同露草浪跡逐
風枝輾轉無窮業牽緣一瞬移早棲鳥不定空
響自驚疑

搔首無端恨尋思有底忙安流頻失楫中道忽
亡羊不為窮途泣空嗟阮籍狂閒心顛倒錯錯
袂獨徬徨

即此追思地
茫頭自怨嗟
朝朝悔裏過
事事眼前差
天末回秋色
山中看舜華
低徊難就枕
河漢轉橫斜

晚秋

烈日蒸秋暑
微風生晚涼
星河垂戶牖
月露襲衣裳
竹色分揮麈
荷香接引觴
坐深幽興洽
四望徧蒼茫

曙靄

鳩喚深林急山浮曙靄輕愁連場圃望渴斷
轆轤聲菊徑荒元亮瓜田罷邵平誰能作霖雨
膚寸觸雲生

巢鳩

坐觀二鳩軒前夾垣道中柏上營巢

鳩性誰云拙營巢巧自防夾垣窺不到翠柏葉
深藏只此餘安穩何須厭稻粱有時霖雨望決
起喚榆枋

白日

白日柴門迥清秋竹幌深冥棹如有勢倦枕已
無心燕戀辭巢語蟬高飲露吟坐看雲壑變漠
漠駐松陰

醉歸得月

兩餘雲破浪野潤月籠烟醉劇飄雙鬢庭空澹
遠天虫喧人語靜露下竹光妍此地尊長滿瑤
臺真問仙

十六十七連夜載酒賞月因憶十七日

聖旦

載酒頻追月山中興眇茫揮盃亂雲影長嘯發
秋光鶴髮休疑老酡顏自覺蒼懸知錄金鏡應
不醉霓裳

夜

亂蟬度風急歸鳥入雲低墅樹連星動人烟隔
水迷半輪山月吐何處井烏啼涼色浮空際渾
疑汎剡溪

送德昭姪孫之衡謁岳張青徠

祝融連紫蓋那是夫人峰去坦東床腹兼聽南
岳鐘采芳逢歲晚回鴈待春濃若問山中事長
吟媿卧龍

薄寒

薄寒生夜雨殘菊點疎檣却喜門多客休愁酒
罄瓶山空傳鴈響歲晚握蘭馨醉眼看霜葉紅
雲幔草亭

飲叔華弟席聽吉甫謠

縱譚名理罷，隱几聽清歌。
響遏簷聲歇，光搖夜色多。
滿堂交酪酏，兩鬢獨婆娑。
不醉空歸去，其如此會何。

清夜高歌發南山，繼鹿鳴嘉賓，傾美酒，水色漾江城，不盡中宵興，偏驚野柝聲，醉來還染翰，殘月吐三更。

劉象乾携具酬諸公為壽集飲未薰余適

止酒

止酒今元亮携觴舊伯伶醉鄉不可到美味但
沾唇歌徹寒宵霽杯揮滿座春無勞占太史南
極對靈椿

木落千巘響霜清萬壑寒忽驚歌吹發盡放酒
杯寬樓度梅花月春傳首宿盤獨醒吾自媿抵
掌佐餘歡

一室

一室虛生白南窗近負陽清晨唯煮茗終日自
焚香鳥語先春哢山光引晝長窮愁應不到嬾
媿獨相將

小居營構俗禮神

鏡吹中宵動星河拂檻流月寒浮白玉霜霽度
青牛堂構成先志棲遲卜寢丘地靈如有待長
此奉千秋

己亥人日

元正同謝客人日獨登樓書帙披雲散爐烟繞
檻流春從天上近山入座中浮飛動滄洲興憑
虛恣遠眸

陰雨連元旦春流滂決渠雲初開霽色人喜應
占書蓓蕾枝相亞蓬蒿徑自除東風催凍解品
物借吹噓

立春雨

眇眇看春色蕭蕭風雨聲垂雲生戶牖寒雀遠

柴荆病減初開酒詩成一解醒載陽知有日倚
檻聽倉庚

早起

夢覺驚啼鳥推窗啓曙光園林春欲動丘壑興
偏長杖屨隨尊酒歌呼過草堂百年雙健眼取
醉看醒狂

荅孔陽王孫見懷

南畝棲遲穩東風澹蕩初忽聞幽谷鳥一報故

人書竹下誰相問
花前幾過車
夢中江路杳
獨卧白雲居

荅履方王孫

尺素春初報
蹉跎是歲前
隴梅應有待
棣萼已爭妍
病癩裁長什
情多託短篇
碧雲空莫合
徒倚向江天

簡履方王孫求印章

印數鐫金石
毫端縮嶠壺
自裁忍苑賦
兼作輞

川圖彭蠡扁舟興洪厓拍手呼如憐真嬾拙款
識為掾觚

元夕月霽叔華弟汝敬汝賢二姪携酌來
薰軒劉象乾謝吉甫同集

元夕開春霽星毬敵月明彤雲鳩鵲觀珠斗鳳
皇城爆竹驚山鬼傳柑款世情兒童炊玉鬪也
解卜昇平

樓臺今夜月燈火萬家春野吹喧山谷清歌愜

隱淪摩挲雙鬢短
時序百年新
吾黨容疎放
乾坤一酒人

象乾課祜孫陽麓

十年尋舊紫桃李
又新枝
鳥自遷喬語
雲仍出岫
遲春風香薜荔
夜雨長璫芝
把臂芳亭上山
光獨不移

雷雨

雷聲初震蟄
雨色細回枯
庭草抽書帶
烟林抹

畫圖中懷輸社樂後飲醉屠蘇解澤看盈滿陽
春徧海隅

叔孔兄同諸弟姪携具送宗欽張使君適
烹雪茶戲題

有茶烹雪水無酒酌羊羔學士耽詩癖將軍自
醉豪携尊皆俊秀詠絮共風騷愛客增狂態那
知髻二毛

窺月

淡雲浮暮靄，霽色尚依微。
雀隱行端噪，鴈占花信歸。
酡顏光水鏡，疎影拭垣衣。
仰面行窺月，樓頭欲弄輝。

薄霧

蓬門開曙色，薄霧帶輕寒。
好鳥嬌初弄，浮雲曳尚殘。
舒眉當柳逕，含笑倚花闌。
白髮憐春事，清尊戀故懽。

玉蘭初開

春軒暖乍回，頓放玉蘭開。著態非穠李，含香勝
老梅。飽經霜雪，後不待艷陽催。白首憐同調，相
看一舉杯。

晚景

倒影明霞外，踈星澹靄中。晚花低照水，香露細
含風。翠滴新枝重，光浮野徑融。喜聞農事急，春
色醉山翁。

上巳

蘭亭今日會觴咏競風流曲徑環池小疎林蔭
竹幽悟言唯一室心賞契千秋放浪形骸久乾
坤泛水鷗

來薰咏牡丹

湛露凝仙掌彤雲繞漢宮芳心遙捧日香幄細
含風富貴輕題品栽培屬化工月明還倚翫瑞
靄接鴻蒙

座上送別謝吉甫

波心花弄月山頂樹披雲歡賞憐春莫清歌惜
夜分家庭今盡興朋好又離群明日亭臯上啼
鶯不忍聞

酴醾

烟雨迷春莫酴醾滿架花山城含玉潤蘿旻拂
瑤華洵美丘園賁偏宜竹素家香風飄短髻浮
白影交加

春歸

獨坐黃昏雨三春昨已過繁枝扶綠葉灌木蔓
青蘿筍籜斑藏霧苔衣細綻坡無心聞擊磬長
咲楚狂歌

萋萋芳草路何處送春歸啼鳥爭驚別行雲自
濕衣清尊長作伴白首重相違日引南薰至朱
曦敞竹扉

來薰軒賞芍藥

誰道春歸去春纔到藥闌彩垂雲錦麗品冠鶴

頭丹綠醕臨蒼徑朱櫻弄赤盤芳菲驚欲盡老
眼獨留歡

花前不計觴移席就斜陽徒倚唯乘興低徊欲
贈芳樓頭分月暈水面絢天章夜色蒼茫動香
溪玉露瀼

三建浴佛

金天初誕聖淨域競飯宗梵籟開靈鷲曇花引
鉢龍洞回蒼翠合山杳白雲封歲飽青精飯何

須訪赤松

小集夜飲得雨

避暑且開尊
林深度月昏
客歸燈影散
夢覺雨聲喧
宿鳥亂戶牖
浮雲薄郊原
新涼暫疏豁
搔首一窺園

秋夕

地僻知秋早
天空入夜清
林聲風韻切
星彩露珠明
竹榻書為枕
山城鳥哢更
脩然人境外
寤寐

宿自身輕

秋思

望望含秋色
流雲拂樹輕
綠衣荷自戀
丹訣兔長生
餐露清蟬響
乘風駕隼橫
蕪葭一水外
松菊老柴荆

雨中適報叔華携具陽麓

雨色霏微動
晨光澹欲曦
雀喧餘粒啄
徑輒覺行遲
竹樹含烟翠
芝蘭裛露滋
小齋傳客到
載

酒更催詩

浮雲生變態微雨汎空濛籬槿紅露潤軒筠綠
御風扶踈緝蘿幌徙倚咲鳧翁鳳尾階前草當
爍發舊叢

風林搏雨色浙瀝并秋聲環墅春流動匡牀午
夢清洗空寥廓迴運翮羽毛輕為圃登場後疏
渠又課畊

落霞

落霞明水外，踈靄度林端。
短髮風前舞，新盃雨後寬。
晚松香滿座，秋韭摘盈盤。
蟋蟀吟何事，天空白露漙。

對月席上再贈國範明府

三五明朝是，今宵望月華。
玉繩垂入座，銀漢欲浮槎。
墅外來仙宰，山中有桂花。
游雲散天末，一水賦蒹葭。

獨坐

素秋浮澹靄錦樹帶明霞竚立門無客稀踈徑
有花濁醪還自酌清夢到誰家獨坐空階語風
搖竹影斜

送德昭姪孫之南雍時郭美命為大司成

德昭適謁岳張憲副衡回

坦腹看南嶽揚帆入鳳臺承家傳舊業餞別酌
新醅太學留都重宗師楚國材春風坐一月吟
弄好歸來

送吳壻仲旭之南雍有懷美命大司成

國學稱多士林宗政汝師道尊縣北斗地近接
南枝空谷聊為別歸鴻定不遲登高有佳賦搖
落憫相思

送程貞甫太學偕吉甫入金陵

剪燭催敲局清尊坐夜分浮雲多變幻光景澹
氤氳看竹來三徑占星聚五君彭湖秋興杳傾
蓋惜離羣

發疏

歸田方六載 召命再臨門
却恨淹身病深慙
負 主恩封章今幾上
懷抱更難言
無事招商
隱長歌獨灌園

三建春遊

山徑松蘿引巖扃
石壁開春光懸麓
藤人世接
蓬萊遊履莓苔綻
初衣薜荔裁
歸循蹊壑轉野
望却裴裛

石磴馬蹄遙林霏鳥哢嬌鐘鳴僧迂客谷靜徑
無樵采茗占春早看山引望迢到來佳氣合瑞
靄薄曾霄

偶成

柏翠陰垂幄山光巧度牆雲移浮睥睨雨過沉
滄浪曉訊花稍重春縈草帶長東臯荷簞笠策
杖且徜徉

雨中次杜韻

澤解迎時雨，四郊春水生。
流雲含野態，細柳結溪聲。
好鳥遷喬出，穠花照檻明。
沾濡新萬象，獨覺駐山城。

王忠甫憲魚過訪叔華汝敬邀同象乾飲
涵虛樓適牡丹初開

樓幔連雲外，簾櫳隱樹間。
看花驚歲月，延客共躋攀。
綠雨含春色，紅芳染醉顏。
夜深還秉燭，水檻政編爛。

孫伯宗携具來薰同象乾若甫叔華汝敬
汝賢夜飲

燭影風光動階浮月色新水雲迷野徑花露淨
芳塵幾載尊同倒今宵意轉親莫言離別近無
那故園春

叔華弟汝賢姪載酒北臯

二月望

茲辰慶花節春色會平分諸泛看庭樹踈櫺駐
野雲鷓鴣頻勸酒鴻鴈惜離群烟雨林臯外霏

微解釀醺

千山雷送雨四座酒催歌
塵世憐萍梗初衣戀
薜蘿花枝沾濕重草色入簾多
俯仰看魚鳥柴
桑興若何

舟行

順舸催牽纜微風送榜歌
岸迴侵柳幔邨遠隔
烟蘿浪跡憐浮梗流光歎逝波
承明今幾入出
處竟如何

和曾直卿南郊道禮紀事

祠官肅漢宮殿薦欵蒼穹聯步清宵上委蛇絀
殿中城高依北斗漏轉邈回風宣室通玄貺恩
新四海同

日馭迎長至回光散綺霞玄壇調玉燭絳節簇
金葩將事辭雲陛舒顏翫月華秩宗還酌斗引
滿泛星槎

和馮用韞大祀齋居書懷

禁署傳祇祀嚴更並駐珂天官聯紫府卿月滿
雲蘿銀漢踈星澹金莖湛露多受釐知有召前
席問伊何

吹律回燕谷千秋事可憑豈應依日月端自履
霜冰太史頻占候山公獨拊膺泰階看只尺茅
茹幾同升

和用韞南郊奉命分祭諸壇

崇壇依紫極列象法虛玄祝史新登簡馨香已

達天箕疇時歛福漢時獨祈年肇祀宗周與登
歌雅頌篇

和用韞哭余世用四首

見君能幾度猶自咲彈冠黯黯浮雲斷蕭蕭白
日寒昔何分手易我獨合歡難共灑西風淚淒
涼不忍看

吞聲驅白馬殫露續歌難隔世俄交臂全歸已
蓋棺遺文知獨草晚節竟誰完高咏遙追憶泉

臺泣建安

劍珮星初隕人琴恨未平
秋風瀛海動落月臺
魂驚生死論文日郊原送別情
臨岐看旅櫬嗚咽斷腸鳴

卜隣曾結社舊好杳難尋
每自過同巷猶憐負夙心
春從紀叟釀響絕伯牙琴
滄海連齊魯千秋寄賞音

曾直卿馮用韞並改吏左詹僚教習張端

叔戲題次荅

學士雖仍舊今卽異昔卽聯班升左省並席擁
方牀共羨登仙侶頻臨選佛場春風戀桃李雲
杏倚宮牆

春日送劉典客繼江回

寒光融積雪淑景動春城送客驚歸鴈懷家重
別情衣冠榮棣萼問訊到柴荆何日垂新紱吾
將咏濯纓

立秋

長安頻下鍵一葉忽知秋
蒼鬢鏡中改白雲天際浮
鄉心驚旅燕宦况寄滄洲
三徑荒松菊藤蘿月滿樓